

mengawal sampai tiap-tiap tanggungjawab itu disempurnakan  
maka itulah diadakan undang-undang yang boleh menghukum seseorang  
yang melakukan perbuatan-perbuatan setelah disabitkan dan dibicarakan  
boleh mencederakan atau membawa akibat kepada seseorang lain  
yang tersebab daripada perbuatannya. Sebab-sebab diadakan ini sesudah  
terang bagaimana yang dapat dilihat penderitaan seseorang  
yang terbanyaknya perempuan; perempuan menanggung bebanan-bebanan yang  
berat bukannya sahaja untuk sara dirinya tetapi juga  
anak-anaknya yang tidak diendahkan perbelanjaan oleh seseorang  
suami. Perkara ini sebenarnya di dalam masyarakat kita tersangat menyedihkan.

Sebagaimana kita sebut bahawa tujuan dan maksud  
di dalam hal ini adalah baik tetapi yang menjadi pentanyaan  
dan sebahagian orang adakah undang-undang ini sebenarnya  
boleh menolong atau mengurangkan perkara cerai itu dan  
adakah kelak perkara yang diundang-undangkan itu akan meliputi  
sekalian orang. Sebagaimana Undang-undang Jumaat yang memilih bulu  
-yakni tidak dijalankan kepada kerabat raja atau pegawai-pegawai  
tinggi kerajaan dan seumpamanya; juga adakah ia boleh  
membawa kerukunan hidup di antara orang-orang yang berkenaan yang  
harus takut akan bercerai. Kerana adanya undang-undang  
yang tersebut, sedang hidup di dalam rumah ibarat segendang  
tak sebau lagi.

Adalah menjadi seperkara yang tidak bijak sekiranya  
ikhtiar-ikhtiar itu hanya dijalankan kepada segi membuat hukum  
sahaja sedang bentuk masyarakat mengenai hal-hal yang tersebut  
tidak dibela dan diselenggarakan. Tidak dapat dinafikan bahawa  
tatkala hendak membuat sesuatu undang-undang menghukum di dalam  
hal yang mengenai perseorangan yang serupa ini hendaklah  
jabatan yang membawa atau mencadangkan rang undang-undang itu  
mengadakan usaha-usaha yang besar pada memahamkan apa erti perkahwinan  
dan tanggungjawab-tanggungjawabnya bagi seseorang dan nasihat-nasihat yang  
mengenai perihal kehidupan di dalam rumah tangga sebagaimana  
yang diajarkan oleh Islam. Dan mengadakan didikan yang membawa  
pengertian berumah tangga di dalam pelajaran di sekolah agama

memberi pemahaman-pemahaman bagaimana menyelenggarakan hal ehwal  
perhubungan hidup di dalam rumah tangga.

Dan di sebalik itu semuanya asas yang utama yang tidak  
boleh dilupakan oleh jabatan itu bahawa yang terbanyak  
menjadi cerai-cerai itu ialah kepayahan di dalam  
ikhtisad atau kehidupan mereka. Kesabaran hidup susah  
itu dan menderita itulah yang kerap kali menjadi puncanya.

Oleh sebab itu, perkara-perkara yang tersebut ini molek benar  
diperhatikan terlebih dahulu sebelum undang-undang itu diluluskan  
sebab walau bagaimanapun adanya suatu undang-undang itu namun  
ia akan dilanggar juga oleh orang-orang yang keadaannya memaksa  
ia mesti melanggarnya dengan sebab keadaan-keadaan sekelilingnya dan  
kerana itulah tidak ada maknanya sesuatu undang-undang itu  
jika tidak ada sebalik itu ikhtiar-ikhtiar bagi menjauhkan  
orang-orang melanggarnya diadakan.

\*\*\*

### Perubahan yang diharap

Setelah diadakan mesyuarat agung baharu-baharu ini maka  
*Jam 'iyyat al-Da 'wah al-Islāmiyyah*, sebuah pertubuhan seruan Islam  
yang terkenal di Singapura ini, telah mengadakan perubahan  
susunan kerajaan-kerajaannya pada masa yang lalu bahawa semua pekerjaan-pekerjaan  
yang dijalankan adalah boleh dikata semata atas kebijaksanaan  
setiausahanya sahaja maka sekarang cara itu telah diubah  
iaitu jalan-kalan kerajaan sekarang telah terbahagi kepada tiga  
bahagian: (1) keagungan; (2) siaran; dan (3) sosial.  
Tiap-tiap satu bahagian itu adalah bertanggungjawab dengan  
Kerajaan-kerajaan dan dikawal oleh tiap-tiap seorang Naib  
yang Di-Pertua dan seorang setiausaha yang dilantik daripada penolong  
setiausaha jawatankuasa agung *jam 'iyyat*.

Dengan cara-cara membahagi-bahagikan kerja-kerja yang serupa ini,  
dan dengan kuasa penuh yang diberi kepada bahagian-bahagian itu  
adalah diharap dalam sedikit masa lagi kerajaan-kerajaan akan  
dapat dilihat membawa perubahan asal kan sahaja tiap-tiap anggota  
jawatankuasa mengambil berat di dalam tiap-tiap kerja itu

(sambungan pada muka 37)

(sambungan dari muka 5)

Selain itu ada suatu hadis yang menyeru hendaklah binatang korban itu diperiksa matanya jangan cacat dan telinga jangan terpotong.

Masa menyembelih korban hendaklah juga diketahui iaitu pada Hari Raya Haji lepas sembahyang hari raya dan boleh juga pada esok, lusa, dan tulatnya yakni dari hari raya 10 Dzulhijjah dan 11,12 serta 13 bulan haji itu. demikianlah yang tersebut dalam suatu riwayat daripada Sayyidina ‘Alī Karamallāhu Wajhah, dan demikian juga disebut oleh Imam al-Nawawī daripada Sayyidina ‘Alī di dalam syarah Muslim dan disebut juga daripada Jubayr bin Muṭ‘am, Ibn ‘Abbas, ‘Aṭa’, al-Ḥassan al-Baṣrī, ‘Umar ibn ‘Abdul Azīz, Sulaymān Bin Mūsā, al-Asadī, Makhūl, Imam al-Shafī‘ī, Dāwud al-Zāharī dan lain-lain lagi.

Ada beberapa hadis yang menunjukkan masa menyembelih korban hendaklah dimulakan sesudah selesai sembahyang Hari Raya Haji. Di antaranya ialah hadis Anas:

*‘An Anas qāla, qāla al-nabiyyu ṣallā Allāh ‘alaihi wa salam yawm al-naḥar: man kana dhabha qābla ṣalāt falya ‘udda.*

Ertinya : “ Daripada Anas, katanya ; nabi (SAW) bersabda pada hari raya Qurban, barang siapa telah sebelum

-----  
(sambungan dari muka 4)

dengan tidak hanya habis dalam mesyuarat – tidak dilaksanakan.

Mudah-mudahan, jam‘iyyat akan dapat menunjukkan kepada ummat bahawa ia adalah sebenar-benarnya sebuah pertubuhan yang menyeru kepada Islam dan memberi petunjuk kepada ummat yang rosak akhlaknya dengan kebijaksanaan – bukannya dengan jalan hanya mengata atau menyebut ini dan itu sedang anggota-anggotanya sendiri tidak menunjukkan contoh yang baik kepada ummat sama ada dalam akhlak, kelimpahan dan seumpamanya. Diharap benar supaya mereka mengadakan seruan kepada jalan Allah itu dengan himah, dengan kebaikan dan timbang rasa tidak dengan jalan gembar-gembur.

sembahyang (hari raya) maka hendaklah ia mengulangi sembelihannya.”

Yakni menyembelih lain korban lagi kerana sembelihan sebelum sembahyang hari raya tidak terhitung menjadi korban hanya sembelihan biasa jua.

Cara menyembelih qurban pula telah dijelaskan oleh beberapa hadis, di antaranya ialah hadis yang diriwayatkan oleh Muslim daripada Anas:

*‘an Anas qāla: duḥā al-nabiyyu ṣallā Allāh ‘alaihi wa sallam bakbashīn amlaḥayn aqranayni dhabḥahumā biyadihi wa sammā wa kabbira wawaḍa‘ rajiluhu ‘alā ṣāffāḥahumā.*

Ertinya: “Daripada Anas katanya: Rasulullah telah berqurban dua ekor kambing biri-biri putih yang bertanduk, ia menyembelih keduanya dengan tangannya sendiri sambil membaca bismillah dan bertakbir, dan ia letakkan kakinya atas batang leher keduanya. ”

Lagi suatu hadis sahih riwayat Muslim :

*‘an ‘Aishah... waakhadha al-kabsh faḍaja’uhu thumma dhabaḥu thumma qāla bismillāhi allahumma taqabbal min Muḥammad. Wa ala muḥammad wa min ummati Muḥammad thumma duḥā bih.*

Ertinya. “Daripada Aishah... Nabi pun mengambil kambing Itu lalu dibaringkan kemudian disembelih sambil berkata : Bismillah, Hai Tuhanku! Terimalah ini daripada Muhammad dan keluarga Muhammad daripada umat Muhammad. Sesudah itu Baginda pun menyembelihnya.”

Sayogia diketahui daging binatang qurban selain daripada disedekahkan sebahagiannya boleh pula dimakan sendiri dan disimpan beberapa hari sebahagiannya daripada sebagaimana yang diterangkan oleh Junjungan kita dengan sabdanya :

*“...wa kulū wa taṣaddaqū wa istamta’ū ‘wā bijulūdihā wa la tabi ‘ūhā wa an aṭ‘amtum min luḥūmuhā shay’un a fa kulū annī shi’um”.* Riwayat Ahmad.

Ertinya : “... Dan makanlah serta bersedekahlah kamu (akan dagingnya) dan gunakanlah kulitnya, jangan dijual akan dia. Sekiranya kamu diberikan makan daripada dagingnya maka makanlah seberapa kamu suka. ”